

आकाशवाणी

- केन्द्री गृहमंत्री अमति शाह होरें आखेआ जे 26/11 हमले दे आरोपी तहव्वरु राणा गी मुख्य वापस आन्नना मोदी सरकार दी बड्डी कूटनीतिक जित्त ऐ।
- मंत्री अश्विनी वैष्णव होरें आखेआ ले नमें आधार कनून गी डाटा सुरक्षा कनून कन्नै जोड़ेआ जाग।
- भारत ते बरतानिया नै माली ते डिजीटल अर्थबवस्था च दौनें मुख्यें दे सरबंघे होर तगड़ा करने दी प्रतिबद्धता गी बी पक्का कीता ऐ।
- इक नमें घटनाक्रम च अमरीका दे राष्ट्रपति डोनाल्ड ट्रंप होरें टैक्स दे बदले शुल्क लाए जाने आली योजना गी चीन गी छोड़ियै बाकी सब्बै मुख्यें लेई 90 दिनें तोड़ी रोकने दी घोषणा कीती ऐ।
- मुख्य अज्ज पूरी श्रद्धा कन्नै महावीर जयंति मना'रदा ऐ। राष्ट्रपति द्रौपदी मुर्मू ते उपराष्ट्रपति जगदीप धनखड़ होरें देशवासिएं गी महावीर जयंति दे मौके पर शुभकामनां दित्तियां न।
- भारत नै तीरंदाजी विश्व कप 2025 स्टेज-1 च मर्दे दे कंपाउंड टीम वर्ग च कैह दा तगमा जित्तेआ ऐ।

<><><><><><>

Shah

केन्द्रीय गृहमंत्री अमित शाह होरें आखेआ जे 2008 दे मुंबई आतंकी हमले दे आरोपी तहव्वर राणा गी भारत आहन्नना मोदी सरकार दा इक बड़ी बड्डी कूटनीतिक जित्त ऐ। उनें आखेआ जे भारत दे लोकें कन्नै कुसै बी चाल्ली दा गलत बर्ताव करने आले इक-इक दोशी गी भारत आंदा जाग ते एह भारत सरकार दी जिम्मेदारी ऐ। इक प्राइवेट टी.वी चैनल कन्नै गल्लबात दरान अमित शाह होरें आखेआ जे मुख्ये लेई एह इक बड्डी उपलब्धि ऐ जे राणा पर मुकदमा भारतीय अदालत च चलोग।

अमित शाह हुंदा एह ब्यान उनें खबरें दे चलदे आया ऐ जे राण गी अमरीका थमां इक विशेष जहाजै राएं भारत आहन्नेआ जा'रदा ऐ ते अज्ज बडलै ओह भारत पुज्जने दी मेद ऐ। गृहमंत्री होरें कांग्रेसी नेता राहुल गांधी हुंदी नागरिकता तरमीमी बिल गी लेइयै झूझा प्रचार करने लेई नुख्ताचीनी बी कीती।

<><><><><><>

Vaishnav

इलैक्ट्रानिक्स ते सूचना प्रौद्योगिकी मंत्री अश्विनी वैष्णव होरें आखेआ जे गाहकें दे हितें गी ध्यानै च रखदे होई नमें आधार कनून गी डिजीटल व्यक्तिगत डेटा संरक्षण कनून 2023 कन्नै जोड़ेआ जाग। उनें आखेआ जे जिसलै आधार कनून बनाया गेआ हा, ओल्लै कनूनी ढांचे च केई कमियां खामियां हियां, पर हुन उनें खरमिएं गी दमर कीता गेआ ऐ। वैष्णव होरें आधार कनून दे आधुनिक संस्करण पर जार पर जोर दिंदे होई आखेआ जे एहदे च हर उस बरीकी पर ध्यान दित्ता गेदा ऐ जेहदे च आम लोकें दी निजी जानकारी गी सुरक्षित रखेआ जाई सकै। एह जानकारी उनें अपनी इक सोशल मीडिया वीडियो पोस्ट च दित्ती।

<><><><><><>

India-UK

भारत ते बरतानिया नै माली सेवा ते डिजीटल अर्थबवस्था क्षेत्र दे साथ सहयोग गी जारी रखने दी अपनी प्रतिबद्धता गी फही पक्का कीता। दौनें मुखें बश्कार कल लंदन च आर्थिक ते माली मुखें उप्पर 13मीं बैठक होई जेहदे च भारतीय प्रतिनिधिमंडल दी अगुवाई खजाना मंत्री निर्मला सीतारमण होर करा'रदियां हियां जदके बरतानिया दी तरफा प्रतिनिधिमंडल दी अगुवाई चांसलर ऑफ दै एक्सचेंजर राचेल रीव्स होरें कीती।

<><><><><><>

President

राष्ट्रपति द्रौपदी मुर्मू होरें अपने स्लोवाकिया दौरे दरान दपक्खी बैठकां कीतियां। उनें स्लोवाकिया दे राष्ट्रपति पीटर पेलेजरीन हुंदे कन्नै ब्रातीरलावा च प्रतिनिधिमंडल स्तर दी गल्लबात बी कीती। दौनें नेताएं बश्कार दपक्खी रिश्ते दे बक्ख-बक्ख पैहलुएं बारे चर्चा कीती ते वैश्विक ते क्षेत्रीय हितें पर बी गल्लबात कीती। दौनें नेताएं बश्कार 2 सहमति पत्रेंद । आदान प्रदान होआ।

इक च निक्के, दरमेयाने उद्योग दे क्षेत्र च भारत दी राष्ट्री लघु उद्योग कारपोरेशन लिमिटेड ते सलोवाक बिजनेस अर्जेसी बश्कार सैह्योग ते दूआ सायशना स्वामी इंस्टीच्यूट ऑफ फारेजन सर्विस ते विदेशी यूरोपीय मामले दे स्लोवाक मंत्रालय बश्कार सैह्योग बारे हा।

<><><><><><>

IMD

मेसम विभाग नै अरुणाचल प्रदेश, असम, मेघालय ते सिक्किम च अज्ज केई थाहरें उपपर भारी बरखा होने दी संभावना जताई ऐ। मैह्कमे नै बिहार, पच्छिम बंगाल दे हिमायली इलाकें, तमिलनाडू, केरल, हिमाचल प्रदेश, उत्तराखंड, झारखंड च बी भारी बरखा होने दी संभावना ऐ। मौसम विभाग नै आखेआ जे राजस्थान, गुजरात ते मध्यप्रदेश च गर्मी पौना जारी रौह्ग ते अगले 2-3 दिनें तोड़ी तापमान च 2 थमां 4 डिग्री सैल्सियस तोड़ी बाद्धा होइ सकदा ऐ।

<><><><><><>

Trump

इक नमे घटनाक्रम च अमरीका दे राष्ट्रपति डोनाल्ड ट्रंप होरें चीन गी छोड़ियै बाकी सब्बै मुल्खें गी 90 दिने तोड़ी रोकने दी घोषणा कीती ऐ। ट्रंप होरें आखेआ जे ओह् अपनी शुल्क योजना गी 90 दिनें तोड़ी रोका करदे न पर चीन उपपर तुरत प्रभाव कन्नै 125 फीसदी शुल्क ला'रदे न। ट्रंप होरें आखेआ जे चीन आस्सेआ विश्वबजारें दा कीते गेदे अनादर कारण उनें चीन उपपर शुल्क गी बधाई दित्ता ऐ। अमरीका नै अपने टैक्स दे बदले लाए गेदे शुल्क योजना च 75 मुल्खें गी छूट दित्तर ऐ। एह्दे शा पैहले चीन नै अमरीका थमां आयात होआ'रदे समेयान उपपर 84 फीसदी शुल्क लाई दित्ता हा जेह्ड़ा जंदी रातीं थमां अमल च आई गेआ।

<><><><><><>

Mahavir Jayanti

24में ते खीरले महावीर जयंति यानि जैन तिरथकार भगवान महावीर हुंदी जयंति अज्ज पूरे देश च मनाई जा'रदी ऐ। जैन समुदाय आस्तै एह् ध्याड़ा बड़ा महत्व रखदा ऐ। भगवान महावीर दे भक्त इस ध्यार गी प्रार्थना करियै प्रसाद बंछियै ते झांकिएं च शामिल होइयै मनांदे न। महाराष्ट्र च महावीर स्वामी हुंदी 2 ज्हार 623मीं जयंति गी बड़ी श्रद्धा ते जज्बे कन्नै मनाया जा'रदा ऐ।

महावीर जयंति दा मुख आकर्षण रथ यात्रा ऐ जेहदे च महावीर भगवान दी मूर्ति सज्जे दे रथ च रखियै झांकी कड्डी जंदी ऐ ते भक्तजन भजन कीर्तन करदे होई एहदे च शामिल होंदे न। भगवान महावीर हुंदा दस्सेदा दा त्याग ते स्व अनुशासन मार्ग पर चलने आस्तै सारेंगी एह खास ध्याड़ा चेता रौहदा ऐ। भक्तजन इस दिन मंदी जंदे न, दान पूण्य ते समाज कल्याण दे कर्में च योगदान दिंदे न।

<><><><><><>

President-VP

राष्ट्रपति द्रौपदी मुर्मू होरें ते उपराष्ट्रपति जगदीप धनखड़ होरें सारेंगी खास करियै जैन समुदाय गी महावीर जयंति दी शुभकामनां दित्तियां न। इस सनेए च राष्ट्रपति होरें आखेआ जे भगवान महावीर अहिंसा ते करुणा दे प्रतीक हे ते अहिंसा नरमो धर्म दे सनेए कन्ने उनें सारेंगी शिक्षा दित्ती जे अहिंसा सब्बने शा बड्डा धर्म ऐ। उनें जोड़ेआ जे एह ध्यार आध्यात्मिक दे रस्ते पर चलने ते साधारणता, प्रेरणा दिंदा ऐं तोआई उपराष्ट्रपति होरें अपने सनेए च आखेआ जे भगवान महावीर हुंदी शिक्षा असेंगी म्हेशां सेही रस्ते बक्खी प्रेरित करदी ऐ ते सारेंगी बरोबर समण्णा ते सारें गी कन्नै लेइयै चलने दा उंदा सनेया अज्ज बी प्रासंगिक ऐ।

<><><><><><>

Archery World Cup

भारत नै तीरंदाली विश्व कप 2025 स्टेज-1 च मर्दे दे कंपाउंड टीम वर्ग च इक कैह दा तगमा हासल करियै अपना खाता खोल्लेआ। अमरीका दे ओबुरनाडले च कल अभिषेक वर्मा, ऋषभ यादव ते ओजस हुंदी टीम नै डेनमार्क गी 230-223 कन्नै हराइयै कैह दा तगमा अपने नां कीता। एहदे शा पैहले भारती टीम नै गौतेमला गी 230-218 कन्नै क्वार्टर फाइनल च हराया पर सैमीफाइनल च ईटली थमां हारी गेआ। तीरंदाजी विश्व कप च 9 गेड़ शामिल न जेहड़े गैबक्ख-बक्ख देशें च होंगन। ध्यान जोग ऐ जे कंपाउंड मिक्स्ट टीम मकाबले गी लॉस एंजलिस 2028 ओलंपिक्स कार्यक्रम च शामिल कीता जा'रदा ऐ।

<><><><><><>